

星土之次又明信足為左券其為東武城無疑
矣第廢基舊趾多著魯蹟况數百年來官思學
道士恥由徑諱乎絃誦之風如前志之所述者
豈古人朴陋徇名責實不暇考按世以相襲遂
無差別歟考魯城當在兗之費邑縉紳先生既
以今之武城當之觀厥遺俗良有攸證邑之稱
重豈惟其地哉

第二卷戶賦志

周禮大司徒頒職事于邦國都鄙小司徒乃經
土地而井牧其田野重民命也歲獻民數於王

六

十

王珥受之重邦本也至於服役輸將之政尤加
詳焉重民力也武城蕞爾邑而戶役賦稅較諸
邑為獨繁今附以馬政課程物產為戶賦志示
民社者知所重也重之則思為之所矣

戶口 前代無考

洪武二十四年戶五百二十二口三千二十

永樂十年戶二千四百七十口一萬三千七百

八十八

天順五年戶二千四百九十九口二萬六千八

十二

正德十年戶二千八百六十一口二萬七千四百七十
嘉靖二十一年戶二千八百八十四口二萬八
千二百三十

按武城戶口稀少良由水旱頻仍沅移者多也

日者撫摩招徠民亦稍稍復業比之往歲頗為滋息矣

地畝 前代無考

洪武時官民地五百三十八頃三十四畝

永樂時官民地二千六百七頃九十五畝

天順時官民地二千六百七頃九十五畝

正德時官民地二千六百九頃六十六畝

嘉靖時官民地二千五百九十頃二十一畝

稅糧

洪武時夏稅麥八百七十六石三斗三升絲綿

三十斤二兩二分

永樂時夏稅四千一百七十二石六斗八升絲

綿一百四十四斤三兩八錢八分秋糧九千七

百二十六石二斗五升綿花絨一千九十三斤

元兩六錢

天順時夏稅四千一百五十五石二斗九升絲

綿一百四十四斤三兩八錢八分秋糧九千六

百九十五石六斗九升綿花絨一千九十三斤
正德時夏稅四千一百五十九石二斗八升絲
綿一百四十九斤六兩二錢七分秋糧九千七
百石三斗三升綿花絨一千九十六斤六兩
嘉靖二十一年夏稅四千一百五十七石二斗
八升絲綿一百四十七斤六兩三錢七分秋糧
九千七百石三斗二升綿花絨一千九十六斤
六兩八錢每粮一項徵草七束共徵草一萬九
千八百三十五束

按禹貢以壤之黑白而上下其賦示均則也茲

十二

邑土有白黑而賦無重輕况地多鹵斥而旱潦
不常一槩征之則可謂均否耶如南方有粮一
石則派本色折色各五斗不論貧富按粮均派
蓋地之所收同則官之所歛亦同其事甚公而
書手那移之弊亦少今以九則分派則上戶粮
一石至納銀一兩下戶只銀三錢此豪猾之粮
所以必逃之下戶而吏胥得廣緣為奸也夫地
畝之所出既同而徵輸之政則異豈均則之道
哉或以地之沙鹵戶之逃絕為言今欲均派以
通之當必有活法矣

近議以沙地覈實另造一冊夏秋則派輕糧里甲則豁半差亦均則之遺意也聊志以俟

徭役

武城編戶二十一里每里十甲每甲十戶十年一次輪差凡催辦錢糧勾攝公事悉以委之謂之里役又以丁糧之差分為三等九則人戶二年一審以應各衙門之差每差以二年為限限滿仍前審編謂之均徭

按里甲均徭雖一省通法而茲邑偏累已為痼疾官茲土者苟以秦越相視民亦扶傷應命待

斃而止少如垂念未嘗不為疾首痛心也余每承公委歷稽旁治有水衝者有陸衝者有水陸俱衝而地方少裕且有驛遞可以分役協勞民亦未見甚病惟茲邑中有運河一帶東西又有黃河沙河故跡地多沙礮不堪行犁德府王庄工部河灘德青二衛屯所又盤據爭割乎其間水路由臨清抵德州陸路由臨清抵故城俱為必經之地甲馬營驛遞雖為所屬而兩地策應未嘗少減上官陸行者夫馬僕從動以百數里甲催覈費用不貲邑疲而地復衝亦難乎其為

民矣至於均徭重難益加呻吟之聲觀其二年
一差已無息肩之日門丁疲薄而編差額數反
倍于茲大邑蓋嘗檢閱冊籍始知我民之苦於
重役非惟上司不之知雖我民亦不自知之也
查得附近州縣門丁二銀與編差額數相當倘
有不足每門丁銀一兩加至八分多至一二錢
三四錢而止茲邑素稱極累門丁二銀不勻舊
額編差故有明加暗加之數東郡諸縣編差加
銀之累未有如武城者也况頻年水旱荒饑百
姓嗃嗃罔攸存濟豪軍奸民影射滋弊里甲重
今或者其有瘳乎

十四

差我民實殫貨倒產以應代之其為虧害固不
知其所終矣尚賴當道垂仁曲屢積年沉痾繼
今將二十八年均徭則例開列于右

武城縣嘉靖二十六年丁門銀一千五百八十
兩舊無此數每一百兩計編省派府派銀八十二兩
七錢計編一千三百兩

按二十六年青冊只有門丁銀九百五十九兩
九錢四分今二十八年則例以丁門銀一千五
百八十兩編差蓋傳寫之誤也若依二十六年

門丁銀九百五十九兩九錢四分定差所編額
數更當為減省矣

省派

京班皂隸柴薪八名 銀九十兩 直堂一名 銀一兩
樸六副四分 銀九兩 狐狸皮一十二張 銀六兩 軍
器 銀二十五兩 柴夫四十八名 銀一百四十八兩 木柴
銀九兩 柴薪皂隸按察司一名 銀一兩

府派

庫子甲馬營水驛六名 銀二百七十六兩 館夫甲馬營
水驛三名 銀二十七兩 防夫東昌通運所四名甲馬

營通運所二十四名 銀一百六十八兩 渡舖夫本縣運

河一百五十名 銀六百兩

二項共編一千三百八十八兩一錢 原編數多今量減外

尚多編銀八十兩

縣派

祭祀銀文廟四十 啓聖祠六錢 名宦鄉賢祠各

三兩社稷壇二兩山川壇六兩厲壇四兩八蜡

廟一兩馬神廟二兩 絃歌廟六錢 鄉飲二兩一十歲

貢 銀三十兩 公用 銀二十兩 柴薪皂隸知縣四名縣

丞主簿二員各二名 銀九十兩 馬夫知縣縣丞主

簿典史四員各一名銀一十兩齋夫教諭訓導三

員各二名銀七十兩膳夫四名銀四十兩門子知縣二

名縣丞主簿典史三員各一名銀二十兩教諭訓導

三員各一名銀九十兩文廟一名啓聖祠敬一亭一

名名官鄉賢祠一名銀九十兩社稷山川厲三壇銀一

兩布按分司府館三處各一名銀三十兩皂隸知縣

一十四名縣丞主簿二員各六名典史四名銀一

百二十兩庫子二名銀一十兩儒學一名銀三十兩禁子四

名銀四十兩弓兵甲馬營巡檢司二十名銀四十兩斗級

官倉一名銀二兩儒學倉一名銀三兩預備倉每穀

二千石一名每名銀六兩巡攔二名銀八兩司兵總舖

四名新興舖二名銀二十兩鍾夫一名鼓夫二名

銀三十兩看倉夫水次一名銀五錢有馬快手二十名

銀三十兩民壯團練五十名銀三十兩守城五十名

按二十八年則例武城銀力二差共用銀二千

三百八十五兩三錢審過九則門丁銀九百四

十五兩二錢八分外少銀二千四百有奇除九

則適加又將寄庄地科銀方足一年所差之數銀差雖依原編之額唯下下戶及寄庄戶銀一

六

十六

兩止秤一兩雖有加耗亦不甚多力差所編一
兩有加二三兩者有加六七兩者如倉老人則
一兩至費數十兩矣本縣原無上上戶至二十
六年審役乃提上中戶四戶上下只二戶中上
一戶中中一十八戶則民之貧富可知矣今以
上中一戶論之門銀三兩每一兩加銀五兩共
得一十八兩謂之明加秤此十八兩編差如倉
老人只編六兩則用七八十兩河口夫編銀四
兩則用至十二三兩暗加之數殆不知其幾倍
矣況此徭役之外又有大戶之差養馬之費走
迎夫脩河脩城夫之增雖癯翁孩童有不免者
民何不幸而生茲邑也平居無事猶可苟且日
前萬一邊陲有警或遇河決四境盡為濤池惟
有流移轉徙為盜偷生而已當道君子幸垂仁
而寬假之黎民庶其有賴乎

屯田

德州左衛屯田八所

劉旺屯

在治平鄉

李貴屯

在歸

蘇福屯

在饒陽店

張忠屯

在劉家寨

張盈屯

在吳家寨

胡真

屯

在至魏真屯

在魏村

魯福屯

在夏家

莊田

德府莊田一所七十八頃九十八畝田在鄭家
口北夏麥地二十二頃六十九畝有奇每畝徵
銀八分歲徵一百八十九兩五錢秋糧地五十
五頃二十八畝有奇每畝徵銀五分歲徵二百
七十六兩四錢三分秋夏大戶二名及期稅完
解府

河灘

河道原灘官地五十頃七十四畝六分每畝徵
銀三分歲該徵銀一百五十二兩三錢三分新
增官地四頃三畝每頃徵麥二斗歲該麥八十
石六斗甲辰年以來解赴臨清夏公祠應用今
皆派入河灘矣

按濱河地土一遇水發不無崩陷東流西涸之
地復增河灘糧五六十頃武城地額只有此數
崩陷者不減而河灘愈增有此理哉河道田糧
已有冊籍未可輕議長民者可將新增之地給
前崩陷之家佃種以補虧累不使狡猾之徒有
所占據誠今日之要務也

馬政

原額種馬一百二十疋兒馬二十四疋騾馬九

十六疋分為三群每群見馬八疋騾馬三十二疋而以群長一人主之有司以時課其肥瘠督其孳生每歲起俵二十四疋以備用焉

按武城種見馬一百二十疋其政則散給二十里民戶不論三等門則計其丁力地出為豆以供飼之本縣原無官地草場供飼為難且養馬之外他役如故城有所不堪者至於每歲應依則該年駒頭共市以充之賠費無極一遇郡司查點之候供輸勒索民愈告病矣要之充東郡邑皆然而武城小邑較為尤劇青登莒三郡獨無此馬其勢逸不均謂之何哉

寄庄

寄庄戶嘉靖二十七年地六百六十七頃三十

六畝該徵糧二百六十六頃九十四畝六分四釐有奇

上

十九

按寄庄戶俱係附近衛縣而本邑奸猾亦因緣假托冒立寄庄每遇征輸之期我民困憊多被找指揀買膏腴弗當里甲地利盡歸寄庄而重差獨歸貧民奸猾得志市地者滋倍于前不少加裁抑不數十年寄庄之戶與民戶殆相埒矣近蒙則例每糧一項編銀四兩民困其少蘇乎

課程

武城原額各色課鈔一千九百七十九錠三貫

七百八十一文商稅課鈔一千七百八十錠二

貫六百一文稅契課鈔二十五錠二貫六百文

酒課鈔五十九錠二貫三百五十七文房地賃鈔

三錠四貫七十文船課鈔二十七錠三貫五百

三十文稅契工墨舊額課鈔三十錠四貫二十

文棗樹舊額課鈔二十三錠三貫九百一十文

物產

穀類 黍 稷 菽 麥 秫 藁 芝麻

蔬類 芹 芥 葱 韭 菠薐 蘆菔

蘇 蓼 瓜 茄 蔓菁 白菜

藥類 生地黄 桑白皮 益母草 兔絲子

車前子 狗杞子 茴香 菊花

蜀葵

果類 石榴 梨 棗 桃 杏 沙果

木類 楊 柳 椿 榆 槐 栢 桑 柘

人上

二十

禽類 鶉 鴿 鷄 鴨 鵝

畜類 牛 馬 驢 騾 羊 豕 犬

虫類 蜂 蠶

魚類 鱉 鮓 鱖 鯪 鯉

貨類 絲 麻 綿花 絨 絹 菊酒

蜜 蟻 鱖 鮓

按武城土地狹沙鹵多陵谷溝渠道路又居其大半物產其間者率不良然亦不廣金鐵魚鹽之利全無律以旁邑又為疲薄不堪之甚民之生于茲者又多遊惰不諳治生之術全賴谷土

谷土實不足以贍之加之水旱相仍荒饉存臻
弊端蠹政滋蔓其間民之號苦額天者不知其
幾也是故水陸俱衝夫馬下程之費在追徵之
外者里甲之苦也門丁疲薄編差加銀之數在
大邑之右者徭役之苦也大戶之編例應七則
以上本縣則多在下中走迤夫之編例在路夫
額數本縣於均徭之外又編青白二夫則大戶
走迤夫之苦於本縣為尤劇矣至於養馬俵馬
之費豪軍寄庄之累脩城脩河夫之增在東郡
諸邑皆然者固不必一一盡述之也百姓疾苦

百孔千瘡朝不謀夕無所控告爲民上者撫摩
而與咻之猶懼其生怨也貪夫酷吏復時肆誅
求嚴刑峻法必置之死地然後已烏在其爲民
牧哉子方啼飢母之罵者復奪之食牛方存喘
牧之悍者復疾其鞭有入心者亦可以深長思

第三卷官職志

官職志志官政也首職秩馬志制也次名表馬
志忘也遠而忘者多矣故于表表馬者特書焉
官而特書可以觀政矣政莫大乎治兵卹民也
故志武備志卹政示威愛之不可偏廢也雖然